



11 March 2019

Tilman: Sosa asaun ConocoPhillips-Shell la'os atu dada kadoras mai TL



Jurista Manuel Tilman hateten, Governu Timor-Leste (TL) Sosa asaun Conocophillips no Shell ho osan montante Millaun USD 650, la'os atu dada ona kadoras mai TL, maibé sei iha prosesu gasta tan osan hodi halo investimentu ba kadoras, maibé sei iha impaktu uitoan, tanba dadaun ne'e Timor-Leste iha de'it osan fundu minarai hamutuk Bilaun USD 15,8, sei la to'o atu halo investimentu, tanba atu dada kadoras mai Timor-Leste ne'e, presiza orsamentu bilaun USD 18 mak kadoras Greater Sunrise (GS) bele mai TL.

“Impaktu mak konaba atu selu millaun USD 650, Shell no ConocoPhillips nia asaun, jornalista no povu tomak tenki persebe, bilaun USD 650 ne'e para hola asaun, la'os automatikamente minarai mai Timor, ne'e laiha ida, minarai atu mai Timor presiza billaun USD 18, signifika katak, billaun USD 18 mak dada kadoras mai, se bilaun 18 laiha, milaun USD 650 so'e de'it, ita hola asaun no rai hela”, dehan Manuel Tilan ba Jornalista GMN iha nia kna'ar fatin Beach Garden Prai os Qoqueiros Díli, Sabadu (09/03/2019).

Nia afirma, Timor mós iha tékniku barak, hanesan Timor Gap, maibé analiza mak ida ne'e, milaun USD 650 sosa asaun, atu dada kadoras mai Timor, maibé presiza bilaun USD 18 mak bele dada mina mai Timor, tanba iha Beasu de'it, atu halo refenaria ne'e, sei halo plataforma ida hanesan, iha Bayu undan nia leten ne'e mak hanesan ro ida hodi tun ba supa mina husi tasi okos sa'e mai tasi leten.

“Ita bele konta ba mai bilaun USD 18 bele ona, ha'u rasik ko'alia ho belun balun, ne'ebé ké kuñese atividade investimentu petroliferu iha mundu tomak, iha mós belun balun iha Indonézia katak, sira bele investe tanba sira kuñese tasi Timor, tanba Indonézia bele investe barak, maibé katuas Xanana para lai oituan ba, atu ita ko'alia lai, mas katuas Xanana semo sai semo tu'un defisil, ha'u la'os krítika maun bo'ot Xanana, karik maun bo'ot buka hela osan iha fatin seluk”, hatutan Manuel Tilman.**oly**